

朝廷亦嘗

降勅切責重則示照削若欲不問事之輕重一舉請
勅與王不惟煩瀆

聖聰亦恐差人勞擾及查有前項有見行事例立法已嚴
但恐人多怠忽罔知遵守以致章銳又奏前
因合無在其所言再行申明禁約欲行各處
巡撫巡按等官嚴加禁約今後但有

王府內外人員旗校及貴戚家下人役假借威勢侵占
民田市井之中攘奪財物把持肆暴致傷人
命及稱為前項各色撥置害人之徒事發查
照前例問擬明白犯該故罪以下照常例發
落徒罪以上旗校改調附近衛所充軍庶役
舍餘及投托伴當等項名色俱發邊衛充軍

干碍

王府及應奏人員一体參究具

奏定奪弘治二年二月十七日本院左都御史馬 等

具題次日奉

聖旨是欽此

王府姻親軍職不許管軍管事

一件陳言時政事弘治三年正月內

奏府寶鷄郡王儀賓樊英奏該礼部查照見行事例

王府姻親職居百司者調去他方管事軍職者削去軍

推或於本處帶俸閑住申明移咨都察院轉

行查勘各護衛軍職但有原係

王府姻親曾經奏過行令帶俸官員營謀見任管軍管

事侵盜錢糧設計人者通行查出照舊帶俸

閑住

王府軍校在京潛住抽號

弘治三年三月初二日兵部尚書馬 等題
為乞

恩發遣在京潛住軍校事該

徽王奏照得府中原蒙

欽賜軍校日成化十七年之國時有在京隱下不行跟隨

前來者到封國陸續復逃回京者亦有逃回
各該原籍避住者或更改姓名投充身後或
倚托親戚窩藏買賣或作家人名色出入禁
門或冒頂老幼姓名濫支月糧似此詭計情
弊多端非惟各軍籍以安身抑且本府缺人
使用是以節經奏行兵部在京者着落巡城
御史嚴督五城兵馬挨拏解發在外者發冊